



李卓吾批點世說新語補卷之十三

三藤家藏書

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

豪爽

○補趙溫居常歎曰大丈夫當雄飛安能雌伏後漢

書曰溫字子柔蜀郡成都人先是趙典為衛尉典兄子謙謙弟溫相繼為三公

○補

孔北海居家失勢賓客日滿其門愛才樂士常若不足每歎曰坐上客常滿尊中酒不空吾無憂矣

○劉云王敦楚語

王大將軍年少時舊有田舍名語音亦楚武帝喚時賢共言伎藝事人皆多有所知唯王都無所關意色殊惡自言知打鼓吹帝令取鼓與之

於坐振袖而起揚榘奮擊音節諧捷神氣豪上
傍若無人舉坐嘆其雄爽

○劉云自是可得傳之者少

王處仲世許高尚之日嘗荒恣於色體為之敝左右諫之處仲曰吾乃不覺爾如此者甚易耳乃開後閣驅諸婢妾數十人出路任其所之時人歎焉鄧粲晉紀曰敦性簡脫口不言財其存尚如此

王處仲每酒後輒詠老驥伏櫪志在千里烈士暮年壯心不已魏武帝樂府詩以如意打唾壺壺口盡

○劉云四則皆處仲欲盡王云老賊故自豪此意尤可矜

缺

劉云如此復何請為

○晉明帝欲起池臺元帝不許帝時為太子好養武士一夕中作池比曉便成今太子西池是也

丹陽記曰西池孫登所創吳史所稱西苑也明帝脩復之耳

○王大將軍始欲下都處分樹置先遣參軍告朝

廷諷旨時賢祖車騎尚未鎮壽春瞋目厲聲語

使人曰卿語阿黑敦小字也何敢不遜催攝回去須

劉云似謂攝致之耳古言俗字容有通用

史不爾我將三千兵槩腳令上王聞之而止

○桓宣武平蜀集參僚置酒於李勢殿巴蜀縉紳

劉云馥心不服桓故稱玉以劣

莫不來萃桓既素有雄情爽氣加爾日音調英

桓然桓定勝王王云敦雖敗猶令人有餘畏桓温所以葉為可兒

發叙古今成敗由入存亡繫才其狀磊落一坐

兒

歎賞既散諸人追味餘言于時潯陽周馥曰恨

卿輩不見王大將軍中興書曰馥周撫孫也字

桓公讀高士傳至於陵仲子便擲去曰誰能作

劉云溪刻雖不可知要是苦語

此溪刻自處皇甫謐高士傳曰陳仲子字子終

兄祿為不義乃適楚居於陵曾乏糧三日匍匐

而食井李之實三咽而後能視身自織屨令妻

子輦輿曰惡用此鴟鴞為哉後母殺鵝仲子不

知而食之兄自外入曰鴟鴞肉邪仲子出門哇

入灌園

補

王世將高朗豪率。王丞相庾太尉遊于石頭會世將至。爾日迅風飛颿。世將倚船樓長嘯。神氣甚逸。丞相謂太尉曰。世將為復識事。太尉曰。正足舒其逸耳。王庾別傳曰。庾字世將。祖覽父正。庾性倨傲。不合已者。面拒之。故為

物所疾。加平南將軍。

○補

桓宣武與殷劉談。不如甚。喚左右取黃皮袴褶。上馬舞稍數迴。或向殷。或擬劉。意氣始得雄。

○補

王右軍為會稽內史。謝公就乞牋紙。右軍檢校庫中有九萬。悉以乞謝公。桓宣武聞之曰。逸少

不節。

○

陳林道在西岫。陳逵別傳曰。逵字林道。潁川許

逵少有幹。以清敏立名。襲封廣陵公。黃門郎。西中郎將。領梁淮南二郡。太守。晉陽秋曰。逵為西太守。戍歷陽。都下諸人共要至牛渚會陳理。

既佳人欲共言。折陳以如意拄頰。望雞籠山歎曰。孫伯符志業不遂。吳錄曰。長沙相王策少有

衆號孫郎。平定江東。為許貢客射破其面。引鏡自照。謂左右曰。面如此。豈可復立功乎。乃謂張昭曰。中國方亂。夫以吳越之眾。三江之固。足以觀成敗。公等善相吾弟。呼大皇帝。授以印綬。日舉江東之衆。決機於兩陳之間。卿不如此。我任賢使能。各盡其心。我不如卿。慎勿北渡。語畢而薨。

世說新語

年二十於是有六。於是竟坐不得談。

桓石虔司空豁之長庶也。豁別傳曰豁字朗子温之弟累遷荊州刺

史贈小字鎮惡年十七八未被舉而童隸已呼

為鎮惡郎嘗住宣武齋頭從征枋頭車騎沖沒

陳左右莫能先救宣武謂曰汝叔落賊汝知不

石虔聞之氣甚奮命朱辟為副策馬於數萬衆

中莫有抗者徑致沖還三軍歎服河朔後以其

名斷瘡中興書曰石虔有才幹有史學累有戰功仕至豫州刺史贈後軍將軍

王司州在謝公坐詠人不言今出不辭乘回風

劉云小名鎮惡遂能斷瘡弟不為當時桓温媿此兒不

劉云此復何足驚人

今載雲旗離騷九歌少語人云當爾時覺一坐

無人

桓玄西下入石頭外白司馬梁王奔叛續晉陽秋曰梁

王珍之字景度中興書曰初桓玄篡位國人有

孔璞者奉珍之奔壽陽義旗既興歸朝廷仕至

太常卿玄時事形已濟在平乘上箛鼓竝作直

高詠云簫管有遺音梁王安在哉阮籍詠懷詩也

宗元幹小時叔父少文問其所志元幹答曰願

乘長風破萬里浪孫巖宋書曰宗愨字元幹南陽涅陽人兄泌娶妻始入門夜

被劫愨年十四挺身與拒衆皆披散叔少文素著高節子弟以下義為業愨任氣好勇不為鄉

劉云以此為達

補

世說新語卷之十一

五

知曲所

補

李永和杜門却掃絕迹下帷棄產管書手自刪

削每歎曰丈夫擁書萬卷何假南面百城北史李

謚字永和少好學周覽百氏初師小學博士孔
璠數年後璠還就謚請業同門生為之語曰青
成藍藍謝青師何常在明經徵拜著作佐郎籍
以授弟郁詔許之州再舉秀才公府二辟並不
就唯以琴書為業有絕世之心及
卒博士孔璠等奏謚為貞靜處士

補

裴寬罷郡西歸宋祁唐書曰寬聞喜人性通敏
登樓見人於後圃有所瘞藏者訪是裴參軍居
問狀荅曰寬義不以苞苴汚家適有人以鹿為
餉致而去不敢自欺故瘞之誅嗟異妻以女天
寶中歷仕至戶部尚書御史大夫李林甫惡之

賤睢陽太守遷東海人為禮部尚書見一士坐樹下甚貧與語奇

之舉一船金帛盡與之此人不辭登舟奴婢偃

蹇者輒鞭之乃張徐州也唐書曰張建封字本

兗州父价建封少喜文章能辯論慷慨尚氣自
許以功名顯湖南觀察使韋之晉辟授兵曹參
軍不樂職輒去馬燧雅知之表為判官擢監察
御史李希烈平以功進御史大夫徐泗濠節度
使治徐凡十年一軍大治下皆畏悅士往如歸

補

李白錢希白南部新書曰李白山東人父任城
尉因家焉少與魯中諸生孔巢父韓準裴
政張叔明陶沔隱於徂徠山號竹溪六逸天寶
中遊會稽與吳筠隱剡中筠徵赴闕薦之於朝
待詔翰林唐書曰自有逸才志氣宏放飄然有
超世之心玄宗欲造樂府新詞召李白已醉臥

北占世說新語卷之十三

酒肆召入。以承灑面。即秉筆成十餘章。上嘉之。嘗沉醉殿上。引足令高力士脫靴。由是斥去。浪迹江湖。嘗月夜乘舟。自采石達金陵。衣宮錦袍。舟中笑傲。傍若無人。後坐永王璘事。長流夜郎。遇赦還卒。

登華山落鴈峰。山海經曰。泰華之山。於宣城。三峰。直上。晴霽可觀。曰。此處呼吸之氣。想通帝坐。

史記曰。中端門。門左右掖門。門內。恨不攜謝朓六星。諸侯也。其內五星。五帝座。

驚人詩來搔首問青天爾。詩品曰。朓奇章秀句。士子之所羨慕。

○○補

滕達道微時。東都事略曰。滕元發字達道。東陽人。范仲淹見而奇之。神宗朝。拜翰林學士。性疎達。在上前論事。如家人父子。言無文飾。洞見肝膈。神宗知其誠。蓋後力言新法之

俠疑狹誤

寓落職。知筠州。或以為且有後命。元發曰。天知吾直。上知吾忠。吾何憂哉。上章自訟。有曰。樂羊有功。謗書滿篋。即墨何罪。毀言日聞。為范文正上覽之。釋然。改知揚州。卒。謚章敏。

館客常私就俠邪飲。范病之一夕。候其出徑坐達道書室。明燭讀書。以俟其至。達道大醉。竟入長揖問范。公讀何書。曰。漢書。復問漢高帝何如。

人范逵巡走入。文正公年譜曰。公諱仲淹。字希文。蘇州人。仁宗朝。官至參知政事。謚文正。

○○補

蘇子美豪放不羈好飲酒。宋史曰。蘇舜欽字子美。陳慥慨有大志。范仲淹薦。試集賢校理。監進奏院。舜欽娶宰相杜衍女。衍時與仲淹富弼在政

府多引用一時聞人御史中丞王拱辰等不便其所為會進奏院祠神舜欽輒鬻故紙公錢召妓樂會客拱辰廉得之諷其屬劾奏因搖動行舜欽坐自盜除名既放廢寓居吳中買水石作滄浪亭益讀書自喜時發憤懣於歌詩往往驚人

在外舅杜祁公家宋日杜衍字世昌越州山陰人父遂良尚書員外郎衍苦志厲操尤篤於學擢進士甲科歷龍圖學士刑部侍郎樞密副使每夕讀書以一斗為率公深以為

疑密使覘之子美讀漢書張良傳至良與客狙擊秦皇帝撫掌曰惜乎擊之不中遂滿引一大

白又讀至良曰始臣起下邳與上會於留此天以授陛下又撫案曰君臣相遇其難如此復舉

李云祁公頗通祁公不應如此

一大白公笑曰有如此下物一斗不足多也

日張良其先五世相韓秦滅韓良悉以家財求客刺秦王嘗學禮淮陽東見滄海君得力士為鐵椎重百二十斤秦皇帝東遊良與客狙擊秦皇帝博浪沙中誤中副車更名姓亡匿下邳漢大年封功臣良未嘗有戰鬪功高帝曰運籌策帷幄中決勝千里外子房功也自擇齊三萬戶良曰始臣起下邳與上會留此天以臣授陛下臣願封留足矣乃授張良為留侯

容止

○補陸子春姿容如玉威儀秀異

子暢之光武嘗登臺見而偉之歎曰南方故多佳

人謝承後漢書曰陸闔建武中為尚書令美姿貌喜着緜布單衣上見而好之自是常敕會

七占世說新語卷之十三

稽郡獻越布

○魏明帝使后弟毛曾與夏侯玄共坐時人習兼

葭倚玉樹魏志曰玄為黃門侍郎與毛曾並坐玄甚耻之曾說形於色明帝恨之左

遷玄為羽林監

○何平叔美姿儀面至白魏明帝疑其傅粉正夏

月與熱湯麩既啖大汗出以朱衣自拭色轉皎

然魏略曰晏性自喜動靜粉白不去手行步顧影按此言則晏之妖麗本資外飾且晏養自

宮中與帝相長豈復疑其形姿待驗而明也

○補劉季和嘗言荀令君典略曰荀或字文若穎川人為漢侍中守尚書令或

為人美偉折節待士坐不累席其在臺閣間不以私欲撓意年五十薨謚曰敬侯以其名德高

追贈至人家坐處常三日香襄陽記曰劉季和性愛香嘗上廁還

過香鑪上主簿張坦曰人名公作俗人不虛也

季和曰荀令君至人家坐處三日香為我如何

令君而惡我愛香也坦曰古有好婦人患而捧

心頓眉見者皆以為為好其鄰醜婦法之見者走

季和大笑以是知坦邪

○時人目夏侯太初朗朗如日月之入懷李安國

積唐如玉山之將崩魏略曰李豐字安國衛尉李義子也識別人物海內

注意明帝得吳降人問江東聞中國名士為誰以安國對之是時豐為黃門郎改名宣上問安

國所在左右公卿即具以豐對上曰豐名乃被於吳越邪仕至中書令為晉王所誅

北帖世說新語卷之二十三

劉云何其開爽

劉云晏養自時尚未有明帝註駁未當

○ ○

嵇康身長七尺八寸。風姿特秀。

康別傳曰。康長七尺八寸。偉容

色。土木形骸。不加飾厲。而龍章鳳姿。天質自然。正爾在羣形之中。便自知非常之器。見者

歎曰。蕭蕭蕭蕭。爽朗清舉。或云。蕭蕭如松下風。

高而徐引。山公曰。嵇叔夜之為人。也。巖巖若孤

松之獨立。其醉也。傀俄若玉山之將崩。

裴令公目王安豐。眼爛爛如巖下電。

王戎形狀短小。而目

甚清灼。視之日。不眩。

○ ○

潘岳妙有姿容。好神情。

岳別傳曰。岳姿容甚美。風儀閒曠。

少時

挾彈出洛陽道。婦人遇者。莫不連手共縈之。左

劉云。理不犯羣。何至委頓。

王云。未聞醜人必為羣。羣所唾好。事者之談也。語林亦然。

太冲絕醜。

續文章志曰。思貌醜。頰不持儀飾。

亦復效岳遨遊於

是羣。羣齊共亂唾之。委頓而返。

語林曰。安仁至美。每行。老嫗以

果擲之。滿車。張孟陽至醜。每行。小兒以瓦石投之。亦滿車。二說不同。

王夷甫容貌整麗。妙於談玄。恒捉白玉柄麈尾。

與手都無分別。

潘安仁夏侯湛並有美容。喜同行。時人謂之連

璧。

八王故事曰。岳與湛著契。故好同遊。

裴令公有雋容姿。一旦有疾。至困。惠帝

晉書曰。帝諱衷。

使王夷甫往看。裴方向壁臥。

武帝太子。在位十七年。中書而崩。

聞王使至強回視之。王出語人曰：雙眸閃閃若巖下電，精神挺動，體中故小惡。名士傳曰：楷病困，詔遣黃門郎

王夷甫省之。楷回眸屬夷甫云。竟未相識。夷甫還亦歎其神儁。

○ ○

裴令公有雋容儀，脫冠冕，麤服亂頭，皆好。時人以為玉人。見者曰：見裴叔則如玉山上行，光映

照人。

○

有人語王戎曰：嵇延祖卓卓如野鶴之在雞羣。答曰：君未見其父耳。康也。

○

劉伶身長六尺，貌甚醜，頰而悠悠忽忽，土木形

骸。梁祚魏國統曰：伶形貌醜陋，身長六尺，然肆骨意放蕩，悠悠獨暢，自得一時，常以宇宙為狹。

○ 補

陸士龍好笑。嘗暑，纒幘上船，水中自見其影，便大笑不已，幾落水。

○ ○

驃騎王武子是衛玠之舅，雋爽有風姿。見玠輒歎曰：珠玉在側，覺我形穢。玠別傳曰：驃騎王濟之舅也。嘗與同遊。

語人曰：昨日吾與外生共坐，若明珠之在側，朗然來照人。

○ ○

衛玠從豫章至下都，人久聞其名，觀者如堵牆。玠先有羸疾，體不堪勞，遂成病而死。時人謂看

殺衛玠。玠別傳曰：玠在羣伍之中，寔有異人之望。齒齒時，乘白羊車於洛陽市上。咸曰：

劉云：覺甥之好。

劉云：謂候見者多徒欲看耳。

誰家壁人。於是家門州黨。號為壁人。按永嘉流人名曰玠。以永嘉六年五月六日。至豫章。其年六月二十日卒。此則玠之南度。豫章四十五日。豈暇至下都而亡乎。且諸書皆云玠亡在豫章。而不云在下都也。

劉五婦人語

王丞相見衛洗馬曰。居然有羸形。雖復終日調。暘若不堪羅綺。玠別傳曰。玠素抱羸疾。西京賦。綺。

○有人詣王太尉。遇安豐大將軍丞相在坐。往別

屋。見季胤平子。石崇金谷詩叙曰。王詡字季胤。瑯邪人。王氏譜曰。詡夷甫弟也。

仕至修武令。還語人曰。今日之行。觸目見琳琅珠玉。

○補

庾公道王尼。非唯事事勝人。布置須眉亦勝人。

我輩皆出其轅下。晉中興書曰。王尼字孝孫。洛陽覆沒。避亂江夏。王澄時為

荆州見之。欣喜。厚供給之。

周伯仁道桓茂倫。欽崎歷落可笑。入或云謝幼

輿言。

庾子嵩長不滿七尺。腰帶十圍。穢然自放。

○周侯說王長史父。王氏譜曰。訥字文開。太原人。祖默。尚書父。祐。散騎常侍。訥

始過江。仕至新淦令。形貌既偉。雅懷有槩。保而用之。可作

諸許物也。

劉云太白全用此語似切似偷

劉云諸許猶言一切

祖士少見衛君長云。此人有旄仗下形。

○ ○ 庾太尉在武昌。秋夜氣佳。景清。佐吏殷浩。王胡

之。之徒登南樓理詠。音調始適。聞由道中有履

聲甚厲。定是庾公。俄而率左右十許人步來。諸

賢欲起避之。公徐云。諸君少住。老子於此處興

復不淺。因便據胡牀。與諸人詠。諠竟坐。甚得任

樂。後王逸少下。與丞相言及此事。丞相曰。元規

爾時風範。不得不小積。右軍荅曰。唯丘壑獨存。

王敬豫有美形。問訊王公。王公撫其肩曰。阿奴

劉云觀此語元規魏我可想

王云王意重

恨才不稱。又云敬豫事事似王公。

○ 王右軍見杜弘治。歎曰。面如凝脂。眼如點漆。此

神仙中人。江左名士傳曰。永和。中。劉真長。謝仁

標。今上。為後來之美。又面如凝脂。眼如點漆。粗可得方。諸衛珍。時人有稱王長

史形者。蔡公曰。恨諸人。不見杜弘治耳。

○ 劉尹道桓公。鬢如反狷皮。眼如紫石稜。自是孫

仲謀司馬。宣王一流人。宋明帝文章志曰。溫。為

日。孫權。字。仲謀。策弟也。漢使者劉琬語人曰。吾觀孫氏兄弟。雖並有才秀明達。皆祿祚不終。唯中弟孝廉。形貌魁偉。骨體不恒。有大貴之表。晉陽秋曰。宣王天姿傑邁。有英雄之略。

劉云英物爾醜

○王敬倫風姿似父作侍中。劭別傳曰。劭字敬倫。丞相導第五子。清貴。

簡素。研味玄曠。大司馬桓温稱爲鳳雛。累遷尚書僕射。吳國內史。加授桓公公

服從大門入。桓公望之曰。大奴固自有鳳毛。大奴。

劭也。中興書曰。劭美姿容。持儀操也。

○林公道王長史。斂衿作一來。何其軒軒韶舉。林。

曰。王仲祖有好儀形。每覽鏡自照曰。王文開那生如馨兒。時人謂之達也。

○時人目王右軍。飄如遊雲。矯若驚龍。

○王長史嘗病。親疎不通。林公來守門。人遽啓之。

曰。一異人在門。不敢不啓。王笑曰。此必林公。按語。

劉云俗語

林曰。諸人嘗要阮光祿。共詣林公。阮曰。欲聞其言。惡見其面。此則林公之形。信當醜異。

○或以方謝仁祖。不乃重者。桓大司馬曰。諸君莫

輕道仁祖。企腳北窗下。彈琵琶。故自有天際真

人想。晉陽秋曰。尚善音樂。裴子云。丞相嘗曰。堅石。琴脚枕琵琶。有天際想。堅石。尚小名。

○王長史爲中書郎。往敬和許。爾時積雪。長史從

門外下車步。入尚書著公服。敬和遙望。歎曰。此

不復似世中人。

○簡文作相。王時與謝公共詣相宣武。王珣先在

內。桓語王卿。嘗欲見相王。可住帳裏。二客既去。

劉云雪中宜爾
劉云尚書下有
一省字

王云此東亭媚語安石恐未肯便沒
劉云不然作不
如自沒作自是

劉云與神君語
映

劉云意態略似
但不成語

世說新語卷之十三

桓謂王曰定何如王曰相王作輔自然湛若神

君續晉陽秋曰帝美風姿舉止端詳公亦萬夫之望不然僕射

何得自沒僕射謝安

海西時諸公每朝朝堂猶暗唯會稽王來軒軒

如朝霞舉海西公奕別見

謝車騎道謝公遊肆復無乃高唱但恭坐捻鼻

顧睐便自有寢處山澤間儀

謝公云見林公雙眼黯黯明黑孫興公公見林公

稜稜露其爽

劉云庾亮為是

○庾長仁與諸弟入吳欲往亭中宿諸弟先上見

羣小滿屋都無相避意長仁曰我試觀之乃策

杖將一小兒始入門諸客望其神姿一時退匿

一說是庾亮

○有人歎王恭形茂者云濯濯如春月柳

○補謝晦美風姿善言笑眉目分明鬢髮如墨時謝

混風鑑為江左第一常與晦同在宋武帝前帝

目之曰一時頓有兩玉人

○補有人詣謝益壽言向在劉丹陽坐見一客殊毛

世說新語卷之十三

十五

謝曰。正是我家阿瞻。益壽呼混字。

○補 王景文風姿為一時之冠。袁粲歎曰。景文非但

風流可悅。乃舖啜亦復可觀。有客及識謝混者。

曰。景文方謝叔源。則為野父矣。粲惆悵曰。恨眼

中不見如此人。續世說曰。宋孝武選侍中四人。並以風貌。王或謝莊為一雙。阮

韜何偃為一雙。

○補 張思曼吐納風流。聽者皆忘饑疲。見者蕭然如

在宗廟。

○補 梁武平建業。朝士皆造之。謝景滌時年二十。意

氣閒雅。瞻視聰明。梁武目送良久。謂徐勉曰。覺

此生芳蘭竟體。南史曰。謝覽字景滌。陳郡陽夏人。父瀹。太子詹事。覽選尚齊錢

唐公主。仕梁為吳興太守。

○補 陶隱居身長七尺四寸。神儀明秀。朗目疎眉。細

形長耳。雖在朱門。閉影不交外物。南史曰。陶弘

陽秣陵人。高其志節。累辭徵命。隱於句容之句

曲山中。山立館。自號華陽隱居。人間書札。以隱

補 李密目瞳子。正方。黑白明澈。隋書曰。密字。法主

也。才兼文武。志氣雄遠。散財養交。後更折節。下

帷。耽學。楊玄感舉兵。以為謀主。屢戰克捷。上號

北帖世說新語卷之十三

魏公設壇即位歸身於唐封邢國公煬帝見之隋書曰帝諱廣文

立承富強之業慨然慕秦皇漢武之為人謂字

窮後極欲巡狩揚州為宇文文化及所弒謂字

文述隋書曰宇文述字伯通代郡武川人周武

將軍大衛軍曰左仗下黑色小兒為誰云是蒲山公李

寬子帝曰此小兒瞻視異常無令入衛密傳曰

自周及隋數經將領密傳曰

補朱泚之亂唐書曰此幽州昌平人以父資從軍

冠數人佯為奴求出城信最寢陋自稱甘菓門

兵曰此數子定非人奴如甘草者不疑劉昫唐

信字弘正裴耀卿之孫能屬文弱冠舉進士德

宗南狩奔請行在拜拾遺信清勁温敏所交皆

當時第一流與鄭餘慶特相友善

信沒餘慶行朋友之服縉紳美之

補趙匡凝每整衣冠使人持巨鑑前後照微覺有

塵即令持紅拂去之五代史記曰趙匡凝字光

嚴喜自修飾頗好學問聚

書數千卷為政有威惠

自新

周處年少時兇彊俠氣為鄉里所患處別傳曰

治細行晉陽秋曰處

輕果薄行州郡所棄又義興水中有蛟山中有

蛟

遭跡一作白額虎竝皆暴犯百姓義興人謂為三橫

而處尤劇或說處殺虎斬蛟實冀三橫唯餘其

一處卽刺殺虎又入水擊蛟蛟或浮或沒行數

十里處與之俱經三日三夜鄉里皆謂已死更

相慶竟殺蛟而出聞里人相慶始知為人情所

患有自改意孔氏志怪曰義興有邪足虎溪渚

謂郡中三害乃自吳尋二陸平原不在正見清

河具以情告并云欲自修改而年已蹉跎終無

所成清河曰古人貴朝聞夕死況君前途尚可

且人患志之不立亦何憂令名不彰邪處遂改

勵終為忠臣孝子晉陽秋曰處仕晉為御史中

丞多所彈糾氏人齊萬年女

乃令處距萬年伏波孫秀欲表處母老處曰忠

孝之道何當得兩全乃進戰斬首萬計弦絕矢

盡左右勸退處曰此是

吾授命之日遂戰而沒

戴淵少時遊俠不治行檢嘗在江淮間攻掠商

旅陸機赴假還洛輜重甚盛淵使少年掠劫淵

在岍上據胡牀指麾左右皆得其宜淵既神姿

峰穎雖處鄙事神氣猶異機於船屋上遙謂之

曰卿才如此亦復作劫邪淵便泣涕投劍歸機

辭厲非常。機彌重之。定交作筆薦焉。虞預晉書曰機薦淵

○補

齊高帝有故吏竺景秀。嘗以過繫作部。高帝語荀伯玉。卿比看景秀否。答曰。數往候之。備加責。謂景秀言。若許某自新。則吞刀刮腸。飲灰洗胃。帝善其言。乃釋之。南史曰伯玉字弄璋廣陵人祖承南譙太守父闡之給事

○補

中伯玉仕宋為晉安王參軍高帝為南兖州伯玉從轉驃騎中兵參軍忠勤盡心常衛左右大見親信永明元年以事伏誅

張延符少不拘檢肆意。收遊父思曼。請假還吳。始入西郭。延符正獵。左手臂鷹。右手牽犬。遙望見思曼。乃放鷹。繼犬向舟而拜。思曼曰。一身兩役。無乃勞乎。延符跪對曰。充聞三十而立。今二十九矣。請至來歲。終身折節。思曼曰。過而能改。乃顏子矣。明年。翻然易操。尋師就學。博覽古籍。鬱為名士。劉潘梁典曰張充字延符父緒官特進有重名充該通老易能清言與從

叔獲俱有令譽歷殿中郎終吳郡太守

企羨

○補 郭林宗遊京師當還鄉里送車千許乘李膺亦在焉衆人皆詣大槐客舍而別獨膺與林宗共載乘薄笨車上大槐坂觀者數百人引領望之眇若松喬之在霄漢

○補 庾徵君少給事縣庭郭林宗見而拔之勸遊學宮遂爲諸生備後能講論自以甲第每處下坐諸生博士皆就讐問由是學中以下坐爲貴范曄

後漢書曰庾乘字世遊潁川鄢陵人徵辟竝不起世號徵君

○補

裴國寶晉諸公贊曰裴瓚字國寶楷之子才氣爽雋終中書郎世說曰正始中人士比論以五荀方五陳八裴方八玉以裴瓚方玉敦是裴叔則子風神高邁

特爲王萬子所重每從之遊萬子父安豐謂之曰國寶初不來汝那得數往萬子曰國寶雖不知綏綏自知國寶

○

王丞相拜司空桓廷尉作兩髻葛屨策杖路邊窺之歎曰人言阿龍超阿龍故自超阿龍丞不覺至臺門

○○

王丞相過江自說昔在洛水邊數與裴成公阮

千里諸賢共談道羊曼曰人久以此許卿何須

復爾王曰亦不言我須此但欲爾時不可得耳

○○

王右軍得人以蘭亭集序方金谷詩序又以已

敵石崇甚有欣色王羲之臨川敘曰永和九年

稽山陰之蘭亭脩禊事也羣賢畢至少長咸集

此地有崇山峻嶺茂林脩竹又有清流激湍映

帶左右引以為流觴曲水列坐其次是日也天

朗氣清惠風和暢娛日騁懷信可樂也雖無絲

竹管絃之盛一觴一詠亦足以暢叙幽情矣故

列序時人錄其所述右將軍司馬太原孫承公

等二十六人賦詩如左前餘姚令會稽謝勝等

十五人以元康六年從太僕卿出為使持節監青

徐諸軍事征虜將軍有別廬在河南縣界金谷

澗中或高或下有清泉茂林衆果竹柏藥草之

屬莫不畢備又有水碓魚池土窟其為娛日歡

心之物備矣時征西大將軍祭酒王詡當還長

安余與衆賢共送往澗中晝夜遊宴屢遷其坐

或登高臨下或列坐水濱時琴瑟筮篥合載車

中道路並作及往令與鼓吹遞奏遂各賦詩以

叙中懷或不能者罰酒三斗感性命之不永懼

其覽之哉凡三十人

○

王司州先為庾公記室參軍後取殷浩為長史

始到庾公欲遣王使下都王自啓求住曰下官

此點世說新語卷之十三

劉云至無紫葉語懷抱相似王云今非得其人但欲得其時而不可得故云

劉云敵石崇亦何等語

希見盛德淵源始至猶貪與少日周旋

○孟昶未達時家在京口晉安帝紀曰昶字彥達平昌人父頽中護軍昶

矜嚴有志局少為王恭所知豫義旗之勳遷丹陽尹盧循既下昶慮事不濟仰藥而死嘗

見王恭乘高輿被鶴氅裘于時微雪昶於籬間

窺之歎曰此真神仙中人

○袁彥道袁鮓別見有二妹一適殷淵源一適謝仁祖

殷氏譜曰鮓大妹名女皇適殷浩小妹名女正適謝尚語桓宣武云恨不

更有一人配卿

○補王曇首李延壽南史曰王曇首太保弘之弟幼有素尚兄弟分財曇首唯取圖書而已

辟瑯琊王大司馬屬年十四五便歌諸妓向謝公靈運稱歎

公甚欲聞之而王名家年少無由得聞諸妓又

向王說謝公意謝後出東府土山上作伎王時

作兩丸髻著袴褶騎馬往土山下庾家墓林中

作一曲歌于時秋月王因舉頭看北林卒曲便

去妓白謝公曰此是王郎歌

○補謝叔源誅後及宋武受禪謝晦言曰陛下應天

受命登壇日恨不得謝益壽奉璽紱帝亦歎曰

吾甚恨之使後生不得見其風流

○補張新安少與顏光祿延之鄰居顏談議飲酒喧

呼不絕新安靜翳無言聲後顏於籬邊聞其與

客語設胡牀坐聽辭義清玄顏指謂坐賓曰此

中有人由此不復酣呼南史曰張演四弟鏡承

五龍鏡名最高仕至新安太守

○補崔瞻才學風流為後來之秀北史曰瞻字彥通

容止神彩嶷然言不安發才學風流後來之秀

魏孝靜嘗人日登雲龍門凌瞻皆侍宴有應詔

詩帝問刑劭曰瞻詩何如其父劭曰懷博雅弘

麗瞻氣調清新並詩人之冠讌罷共嗟賞之咸

曰今日之讌并侍中李神儁晚年無子語邢劭

為崔瞻父子

○補仲長子光王績仲長先生傳曰先生諱子光字

給無室廬絕妻子開皇末始庵河渚間以息身

焉賈藥為業人莫之知也汾陰生遊河渚一觀

而伏曰東方朔管輅不如也由是顯重守令至

者皆親謁先生辭以瘖疾未嘗交語著獨遊頌

道者劔書老易二字示之彈琴餌藥以終其世

王通中說曰薛收問仲長子光子曰天人也收

曰何謂天能隱居北渚王無功愛其貞素徒與相

成其天獨能隱居北渚王無功愛其貞素徒與相

近唐書曰王績字無功絳州龍門人大業中授

楊州六合縣丞棄官結廬河渚以琴酒自樂

嘗躬耕東臯。時人號東臯子。或過酒肆。動經數日。往往題壁作詩。多為好事者。諷詠。臨終遺命。薄葬。預自為墓誌。

○補

歐陽率更行見古碑。

張懷瓘書斷曰。歐陽詢字信本。長沙汨羅人。官至太子。

子率更令。善書。筆力勁險。篆體尤妙。高麗國王愛其書。遣使請焉。神堯曰。不意詢之書名遠播。夷是索靖所書。羊愔能書人。姓名曰燉煌。索靖。草書。抱朴子曰。善書者。中州則有索靖。用古體。飄乎若起鴻之乘勁風。騰鱗之躡驚雲。駐

馬觀之。良久而去。數百步復還。下馬佇立。疲倦。則布毯坐觀。三日乃去。

○補

閻立本善畫。

朱景玄唐朝名畫錄曰。閻立本。太宗朝。官宰相。畫入神品。與兄立德。

劉云嘉謨。閻立本留宿其下。日不罷去。張僧繇遂作醉僧圖。每以此朝之於萬資閣。今並傳於世。

齊名。於世。至荊州。見張僧繇舊迹。曰。定虛得名耳。明日又往。曰。猶近代佳手。明日又往。曰。名下定無

虛士。因坐臥觀之。留宿其下。宣和畫譜曰。張僧繇。右將軍。以丹青馳譽。于時嘗於金陵安樂寺畫。四龍不點。目睛謂點之。則驤騰而去。人以爲誕。固請點之。因為落墨。纔及二龍。果雷電破壁。徐視畫已失矣。獨二龍未點睛。者在焉。世謂僧繇畫骨氣奇偉。規模宏逸。六法精備。當與顧陸並馳爭先。

○補

蕭穎士。李華撰穎士文集序曰。蘭陵蕭穎士。字茂挺。十九進士。擢第。淮南連帥表為揚州功曹。君以文章制度為己任。時人咸以此許之。及卒。門人謚為文元先生。唐詩紀事曰。穎士以拔獎後進。為任。如李陽冰。皇甫冉。陸澹。皆由獎目。為名士。天下推知人。稱蕭功曹。與李華齊。

北帖世說新語卷之十三

名世號蕭李有一僕事之十餘年每加箠楚輒百餘

不堪其苦人或激之使去其僕曰我非不能他

從所以遲留者特愛慕其博奧耳李冗獨異志曰穎士常使

一備僕名杜亮

○補

蘇司業杜工部集曰蘇源明天寶中守東平召為國子司業祿山陷京師源明以病不

受偽官肅宗復兩京擢考功郎中知制誥每謂當時名士曰僕不幸

生於衰俗所不耻者識元紫芝

○補

寇萊公出入宰相三十年不營私第處士魏野

贈詩曰有官居鼎脩無地起樓臺公南遷時北

使至內宴歷視諸宰執語譯者曰孰是無地起

樓臺相公王聖塗湘水燕談錄曰陝右處士魏野與蒲中李瀆俱有高節以吟詠相

善野於東郊鑿土室方丈蔭以修竹泉流其前曰樂天洞

李卓吾批點世說新語補卷之十三

李卓吾批點世說新語補卷之十四

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

傷逝

○○補

龔勝歿。漢書曰龔勝字君賓楚人王莽徵之不食而死楚父老來弔哭

甚哀既而嘆曰薰以香自燒膏以明自煎嗟哉

龔生竟天天年非吾徒也。徐州先賢傳曰楚老

○補

陳蕃賞武為中官所害。後漢書曰寶武字遊平

融之玄孫也父奉定襄太守武少以經行著稱桓帝拜城門校尉在位多辟名士清身疾惡賄

賂不通時國政多失內官專寵李膺杜密等為黨事考逮武上疏出之靈帝立拜大將軍封聞

喜矣武既輔政有誅前宦官之意與太傅陳蕃共謀天下雄俊莫不延頸企踵思奮其力於是

盡收諸狡猾無狀者送北寺獄會用等共劫太后奪璽書率五營士討武武走圍殺之梟首洛

陽都郭林宗哭之於野。檀弓曰所知吾哭慟既

而歎曰人之云亾邦國殄瘁。大雅瞻瞻烏爰止

不知於誰之屋。小雅正月詩

○○補

范巨卿與張元伯為友。范曄後漢書曰張劭字

交二人告歸鄉里式謂元伯曰後二年當還將

過拜尊親見孺子焉共赴期日後期至元伯具

以白母請設饌候之母曰千里結言爾何相信

之審耶對曰巨卿信士必不乖違母曰若然當

到升堂拜飲盡歡而別後元伯寢疾同郡郵君

章殷子徵晨夕省視元伯臨盡歎曰恨不見吾

死友子徵曰吾與君章盡心於子是非死友復

欲誰求。元伯曰。若二子者。吾生友耳。山陽范巨卿。所謂死友也。元伯尋卒。范忽夢見元伯。玄冕垂纓。屣履而呼曰。巨卿。吾以某日死。當以爾時。葬。永歸黃泉。子未我忘。豈能相及。范恍然覺寤。便往奔喪。未及到而喪已發。引柩不肯前。其母撫之曰。元伯豈有望耶。遂停移時。見有素車白馬。號哭而來。母云。是必范巨卿也。巨卿既至。叩棺言曰。行矣。元伯死。生異路。永從此辭。會葬。千人皆為揮涕。范執紼引柩。喪乃得前。謝承後漢書曰。式少

尚節義。游學京師。同業有長沙陳平子。與式未相見。被病將亡。謂其妻曰。范巨卿。烈士。可託死。吾歿後。以屍埋巨卿戶前。裂素為書。以遺巨卿。時式出行。適還。省書。愴然向墳。揮哭。以為死友。營護平子妻兒。身自送喪於臨湘。未至四五里。委素書於柩上。哭別而去。其兄弟尋求不復見。

○補

孔北海與蔡中郎素厚。蔡亾後。有虎賁士。貌類於蔡。北海每酒後。引與共坐。曰。雖無老成人。且有典刑。大雅蕩詩。

○王仲宣好驢鳴。魏志曰。王粲字仲宣。山陽高平人。曾祖龔。父暢。皆為漢三公。粲至長安。見蔡邕。邕奇之。倒屣迎之。曰。此王公孫。有異才。吾不及也。吾家書籍盡當與之。避亂荆州。依劉表。以粲貌寢通脫。不甚重之。太祖以從征吳道中卒。既葬。文帝臨其

王云世說唯傷逝獨妙無一語不解損神。劉云不應送客。

畫能驢馬

王云劉語太臧

喪顧語同遊曰王好驢鳴可各作一聲以送之

赴客皆一作驢鳴按戴叔鸞母好驢鳴叔鸞每為驢鳴以說其母人之所好

儻亦同之

○ ○ 王濬沖為尚書令著公服乘輅車經黃公酒壚

下過華昭漢書注曰壚酒肆也顧謂後車客吾

昔與嵇叔夜阮嗣宗共酣飲於此壚竹林之遊

亦預其末自嵇生夭阮公亾以來便為時所羈

繼今日視此雖近邈若山河竹林七賢論曰俗傳若此賴川度爰

之嘗以問其伯文康文康云中朝所不聞江左忽有此論蓋好事者為之耳

○ 補

羊太傅好山水每風景必造峴山南雍州記曰峴山臨漢水

上珍王之隱然蓋諸山之小者而其名特著置酒言詠終日不倦嘗慨

然歎息顧謂從事中郎鄒湛見別曰自有宇宙便

有此山由來賢達勝士登此遠望如我與卿者

多矣皆湮滅無聞使人悲傷如百歲後有知吾

魂魄猶應登此十道志曰祐沒襄陽人感其德立祠刻碑其上過者莫不流涕杜

預名其碑為墮淚碑

○ ○ 孫子荆以有才少所推服唯雅敬王武子武子

喪時名士無不至者子荆後來臨厝慟哭賓客

莫不垂涕哭畢向靈牀曰卿常好我作驢鳴今

為卿作體似真聲賓客皆笑孫舉頭曰使君輩

存令此人死語林曰王武子葬孫子荆哭之甚

皆笑孫曰諸君不死而令武子死乎賓客皆怒

○王戎喪兒萬子山簡往省之王悲不自勝簡曰

孩抱中物何至於此王曰聖人忘情最下不及

情情之所鍾正在我輩王隱晉書曰戎子綏欲

過傷痛不許人求之簡服其言更為之慟一說

遂至老無敢取者夷甫喪子山簡弔之

至云妙語實竟

○有人哭和長輿曰峨峨若千丈松崩

衛洗馬以永嘉六年喪謝鯤哭之感動路人永嘉

流人名口口玠以六年六月二十日亡葬南昌城

許徵墓東玠之薨謝幼輿發哀於武昌感慟不

自勝人問子何卹而致哀如咸和中丞相王公

教曰衛洗馬當改葬此君風流名士海內所瞻

可修薄祭以敦舊好玠別傳曰玠咸和中改葬

馬明當改葬此君風流名士海內顧彥先平生好琴及喪家人常以琴置靈牀上

張季鷹往哭之不勝其慟遂徑上牀鼓琴作數

曲竟撫琴曰顧彥先頗復賞此不因又大慟遂不執孝子手而出

○ ○ 庾亮兒遭蘇峻難遇害諸葛道明女為庾兒婦

恢別傳曰恢字道明瑯琊陽都人祖誕司空父觀亦知名恢少有令聞稱為名賢避難江左中宗召補主簿累遷尚書令庾氏既寡將改適與

王三聲有餘痛

亮書及之亮荅曰賢女尚少故其宜也感念亡兒若在初沒

○ ○ 庾文康公何揚州臨葬云埋玉樹箸土中使人

劉云皆無據獨遺此策資後人

情何能已已搜神記曰初庾亮病術士戴洋曰昔蘇峻時公於白石祠中許賽車

世說

下生從來未解為此鬼所考不可救也明年亮果亡靈鬼志謠徵曰文康初鎮武昌出石頭百姓看者於听歌曰庾公上武昌翩翩如飛鳥庾公還揚州白馬牽旒旒又曰庾公初上時翩翩如飛鴉庾公還揚州白馬牽旒車後連轂不入尋薨下都葬焉

○ ○ 王長史病篤寢臥燈下轉麈尾視之歎曰如此

人曾不得四十及亡劉尹臨殯以犀柄麈尾箸

樞中因慟絕濛別傳曰濛以永和初卒年三十悼之雖友于之愛不能過也

○ ○ 支道林喪法虔之後精神實喪風味轉墜支遁傳曰

法虔道林同學也傳常謂人曰昔匠石廢斤於

郢人莊子曰。郢人望漫其鼻端。若蠅翼。使匠石運斤斲之。至盡而鼻不傷。郢人立不失容。

牙生韓詩外傳曰。伯牙鼓琴。鍾子期聽之。方鼓琴。志在泰山。子

期曰。善哉乎鼓琴。巍巍乎若泰山。莫景之間。志在流水。子期曰。善哉乎鼓琴。洋洋乎若流水。鍾

子期死。伯牙擗琴絕弦。終身不復鼓之。以為在者無足為之。鼓琴也。推已外求。良

不虛也。冥契既逝。發言莫賞。中心蘊結。余其亾

矣。卻後一年。支遂殞。

戴公見林法師墓支遁傳曰。遁太和元年。終。于剡之石城山。因葬焉。曰。

德音未遠。而拱木已積。翼神理。懸不與氣運

俱盡耳。王珣法師墓下。詩序曰。余以寧康二年。命駕之剡。石城山。即法師丘也。高墳鬱鬱。

為荒楚。丘隴化。為宿莽。遺跡未滅。而其人心遠。感想平昔。觸物悽懷。其為時賢所惜如此。

王子敬與羊綏善。綏清淳簡貴。為中書郎。少亾。

王深相痛悼。語東亭云。是國家可惜人。羊氏譜曰。綏字仲彥。泰山人。父楷。尚書郎。綏仕至中書侍郎。

王東亭與謝公交惡。中興書曰。珣兄弟皆塔。謝氏以猜嫌離婚。太傅既與

珣絕婚。又離珣妻。由是二族遂成仇讐。王在東。聞謝喪。便出都。詣子

敬道。欲哭。謝公子敬始臥。聞其言。便驚起。曰。所

望於法護。王於是往哭。督帥刁約不聽。前曰。官

平生。在時不見。此客王亦不與語。直前哭。甚慟。

世說云刁乃謝公部下吏

世說新語卷之十四

不執末婢手而退。末婢謝琰小字琰字暖度安少子開率有大度為孫恩所

害贈侍中司空

○補羊曇少為謝太傅所知。晉書曰羊曇者泰山人知名士也為謝公所愛

重太傅亡後羊輟樂彌年行不由西州路嘗因

石頭大醉扶路唱樂不覺至州門左右白曰此

西州門羊悲感不已以馬策叩扉詠曹子建詩

曰生存華屋處零落歸山丘。曹子建詩慟哭而去

羊孚年二十一卒。羊氏譜曰孚年而卒桓玄與羊欣

書曰賢從情所信寄暴疾而殞。宋書曰欣字敬

少懷靜默秉操無競美姿容善笑言。祝予之歎

如何可言。公羊傳曰顏淵死子曰噫天祝予何休曰祝者斷

也天將子也夫子耳

補王東亭亡後桓敬道與會稽王道子書曰元琳

神情朗悟經史明徹風流之美公私所寄忽爾

喪失歎悼之深豈惟風流相悼而已

○孝武山陵夕王孝伯入臨告其諸弟曰雖棖桷

惟新便自有黍離之哀。中興書曰烈宗喪會稽

寶委以機任士恭入

赴山陵故有此歎

王子猷子敬俱病篤而子敬先亡獻之以泰元十三年卒年

四十子猷問左右何以都不聞消息此已喪矣

語特了不悲便索輿來奔喪都不哭子敬素好

琴便徑入坐靈牀上取子敬琴彈弦既不調擲

地云子敬子敬人琴俱亡因慟絕良久月餘亦

卒幽明錄曰泰元中有一師從遠來莫知所出

云人命應終有生舉代者則死者可生若逼

人求代亦復不過少時人聞此咸怪其虛誕王

子猷子敬兄弟特相和睦子敬疾屬續子猷謂

之曰吾才不如弟位亦通塞請以餘年代弟耳

曰夫生代死者以已年限有餘得以足亡者耳

今賢弟命既應終君侯第亦當盡復何所代子

猷先有背疾子敬疾篤恒禁來往聞亡便撫心

補范蔚宗既被繫上有白團扇甚佳送令出詩賦

美句擘攬筆書曰去白日之昭昭襲長夜之悠

悠上為循覽悽然沈約宋書曰范擘字蔚宗順

音律為高祖相國掾稍遷太子詹

事坐與孔熙先等謀逆誅事別見

補張思曼亡後從弟融齎酒於靈前酌酒慟哭曰

阿兄風流頓盡

補王威明亡後昭明與湘東王繹書曰威明風韻

適上神峰標映千里絕迹百尺無枝實後人也

一爾過隙永歸長夜金刀掩銛長淮絕澗去歲

冬中已傷劉子謂孝也今茲寒孟復悼王生俱往

之傷信非虛說南史曰王規字威明尚書騫之子也幼稱孝童年十二通五經

起家秘書郎天監中除中書黃門侍郎侍東宮為昭明太子所禮仕至太子中庶子

補

梁簡文梁書曰帝諱綱字世纘武帝第三子侯景克建康帥兵入殿幽於永福省尋弒之為侯景幽繫南史曰侯景字萬景魏之懷朔鎮人也初事爾朱榮高歡誅爾

朱氏遂為歡用歡死叛歸於梁太清二年題壁自叙云有梁正士蘭陵蕭世纘立身行道終始

如一風雨如晦雞鳴不已弗欺暗室豈况三光

數至於此命也如何三國典略曰簡文為侯景所幽作連珠曰吾聞道行

則五福俱奏運閉則六極所鍾是以麟出而悲豈唯孔子途窮則慟寧止嗣宗崔浩誅後北史曰浩作國書立石銘以彰直筆

○補

眭夸為之素服受鄉人吊嗔歎曰崔公死誰能

更容眭夸北史隱逸傳曰眭夸一名旭趙郡高邑人父邃慕容寶中書令夸少有

度耽好書傳未嘗以世務經心高尚不仕與崔浩為莫逆之交浩為司徒奏徵為中郎州郡逼

遣入京與浩相見惟飲酒談叙平生不及世利便將別浩以夸所乘驪內之廐中冀相維繫夸

遂託鄉人輸租者謬為御車出關時朝法甚峻夸既私還將有私歸之咎浩仍相左右始得無

坐經年浩送夸本驪兼遺以所乘馬為書謝之

不。受。其。驟。馬。亦。不。復。書。及。浩。沒。為。之。素。服。受。卿。人。甲。嗙。經。一。時。乃。止。

○補 咸陽王窮極驕奢。姬妾數十。猶遠有簡娉以恣

其情。後以叛誅。官人爲之歌曰。可憐咸陽王。奈

何。作事悞。金牀玉几。不能眠。夜蹋霜。與露。洛水

湛湛。彌听。長行人。那得渡。其歌流傳江表。北人

在南者。雖至富貴。弦歌奏之。莫不灑泣。北史曰。咸陽王

禧。魏。獻。文。皇帝。子。也。

○補 雷宣徽頗涉道書。因讀史。廢書流涕。曰。功名者

貪夫之鈎餌。橫戈開邊。杖劍討叛。死生食息之

不顧。及其死也。一棺戢身。萬事都已。悲夫。東都事略

日。雷。有。終。同。州。郃。陽。人。殿。中。御。史。德。驥。子。也。以。父。任。爲。萊。無。尉。有。平。賊。功。授。保。信。軍。留。後。契。丹。入。寇。真。宗。幸。澶。州。有。終。赴。援。威。聲。甚。震。召。拜。宣。徽。北。院。使。

棲逸

○補 王君公遭亂。不去。僮牛自隱。僮。謂。平。會。兩。時。人。家。賣。買。之。價。

爲之語曰。避世墻東。王君公。嵇。康。高。士。傳。曰。君。公。明。易。爲。郎。數。言。

事。不。用。乃。自。污。與。官。婢。通。免。歸。詐。狂。僮。牛。口。無。二。價。也。後。漢。逢。胡。傳。曰。胡。與。平。原。王。君。公。友。善。

○補 蔣元卿舍中三徑。唯羊仲求仲從之遊。二仲皆

控廉逃名之士。司。馬。彪。續。漢。書。曰。蔣。詡。字。元。卿。父。喪。甲。者。盈。門。後。母。疾。之。不。得。

止舊廬自作小菴於側住如舊

○補 張仲蔚隱居平陵蓬蒿滿宅唯開一行徑三輔決錄

曰仲蔚扶風人少與同郡魏景卿隱身不仕明天官博物好為詩賦所居蓬蒿沒人

○補 向子平讀易至損益卦損益盈虛與時偕行益

卦曰損上益下民說無疆也喟然歎曰吾已知富不如貧貴

不如賤但不知死何如生耳為子嫁娶畢敕家

事斷之云當如我已死與同好禽子夏俱遊五

嶽名山不知所終魏隸高士傳曰向長字子平禽慶字子夏二人相善長慶隱

避不仕王莽通老易安貧樂道好事者更饋遺輒受之自足還餘如有不取也舉措必於中和

司空王邑辟之連年乃欲薦之於莽固辭乃止後漢書曰向長河內朝歌人

○補 韓伯休采藥名山賣於長安市口不二價三十

餘年時女子從韓買藥守價不移女子怒曰公

是韓伯休那乃不二價伯休歎曰我本避名今

女子皆知有我何用藥為乃遁入灞陵山中范曄

後漢書曰韓康字伯休京兆灞陵人桓帝以安車聘之康辭不受自乘柴車晨先使者發至

亭亭長以韓徵君當過方發人生修道及見康柴車幅巾以為田叟也便奪其牛即釋駕與之

有頃使者至奪牛翁乃徵君也使者欲奏殺亭長康曰此自老子與之亭長何罪乃止康因遁以

壽終

○○

阮步兵嘯聞數百步。蘇門山中忽有真人樵伐者咸共傳說阮籍往觀見其人擁藜巖側籍登嶺就之箕踞相對籍問略終古上陳黃農玄寂之道下考三代盛德之美以問之仡然不應復叙有為之教棲神道氣之術以觀之彼猶如前凝矚不轉籍因對之長嘯良久乃笑曰可更作籍復嘯意盡退還半嶺許聞上啗然有聲如數部鼓吹林谷傳響顧看迺向人嘯也。魏氏春秋曰阮籍常率意獨駕不由徑路車跡所窮輒慟哭而反嘗遊蘇門山有隱者莫知姓名有竹實數斛柞白

至云有篇之教四字甚深

而已籍聞而從之談太古無為之道論五帝三王之義蘇門先生條然曾不眴之籍乃嗒然長嘯韻響寥亮蘇門先生乃追爾而笑籍既降先生喟然高嘯有如鳳音籍素知音乃假蘇門先生之論以寄所懷其歌曰日沒不周西月出丹淵中陽精晦不見陰光代為雄亭亭在須臾厭將復隆富貴俛仰間貧賤何必終竹林七賢論曰籍歸遂著大人先生論所言皆骨懷間本趣大意謂先生與已不異也觀其長嘯相和亦近乎目擊道存矣

○

李厥是茂曾第五子清貞有遠操而少羸病不肯婚宦居在臨海住兄侍中墓下既有高名王丞相欲招禮之故辟為府掾厥得牋命笑曰茂弘乃復以一爵假人。文字志曰厥字宗子江夏鍾武人祖康秦州刺史父

劉云如云借者

重平陽太守世有名望。蘇好學善草隸與兄式齊名。楚疾不能行坐常仰臥彈琴讀誦不輟。河間王辟太尉掾以疾不赴後避難隨兄南渡司徒王導復辟之。蘇曰茂弘乃復以一爵加人。永和中外蘇嘗為二府辟故號李公府也。式字景則蘇長兄也。思理儒隱有平素之譽。渡江累遷臨海太守侍中。年五十四而卒。

阮光祿在東山蕭然無事常內足於懷。阮裕別傳曰裕

居會稽剡山有人以問王右軍右軍曰此君近志存肥遁。

不驚寵辱。老子曰寵辱若驚得之若驚失之若驚雖古之沈冥何以過此。揚子曰蜀莊沈冥李軌注曰沈冥猶玄寂泯然無迹之貌

何驃騎弟以高情避世而驃騎勸之令仕荅曰

劉云古無此語

予第五之名何必減驃騎。中興書曰何準字幼軍充第五弟也雅好高尚徵聘一無所就充位居宰相權傾人主而準散帶衡門不及世事于時名德皆稱之年四十七卒有女為

穆皇帝后贈光祿大夫子恢讓不受南陽劉麟之高率善史傳隱於陽岐于時符堅

臨江荊州刺史桓沖將盡訐謨之益徵為長史遣人船往迎贈貺甚厚麟之聞命便升舟悉不受所餉緣道以乞窮之比至上明亦盡一見沖

因陳無用條然而退居陽岐積年衣食有無常與村人共值已匱乏村人亦如之甚厚為鄉間

劉云乞音氣

王云註在雀

所安鄧粲晉紀曰麟之字子驥南陽安衆人少尚質素虛退寡欲好遊山澤間志存遁逸桓沖嘗至其家麟之方條桑謂沖使君既枉駕光臨宜先詣家君沖遂詣其父父命麟之然後乃還披短褐與沖言父使麟之自持濁酒菹菜供賓沖救人之代父辭曰若使官人則非野人之意也沖為慨然至昏乃退因請為長史固辭居陽岐去道在近人士往來必投其家麟之身自供給贈致無所受去家百里有孤嫗疾將死謂人曰唯有劉長史當埋我耳麟之身往候之值終為治棺殯其仁愛皆如此以壽卒

王云按此語似深似淺蓋用鄒

南陽翟道淵與汝南周子南少相友共隱于潯陽庾太尉說周以當世之務周遂仕翟秉志彌固其後周詣翟翟不與語晉陽秋曰翟湯字道淵南陽人漢方進之

陽書中語雖謙已無能為先容誤知而陰刺庾公不能自別夜光也

後也篤行任素義讓廉潔饋贈一無所受亂多冠聞湯名德皆不敢犯潯陽記曰初庾亮臨江州聞翟湯之風束帶躡屐而詣焉亮禮甚恭湯曰使君直敬其枯木朽株耳亮稱其能言表薦之徵國子博士不赴主簿張玄曰此君臥龍不可動也終于家

劉云少孤名陋皆性萬年何辜又云偽病何死

孟萬年及弟少孤居武昌陽新縣萬年遊宦有盛名當世少孤未嘗出京邑人士思欲見之乃遣信報少孤云兄病篤狼狽至都時賢見之者莫不嗟重因相謂曰少孤如此萬年可死袁宏孟處士銘曰處士名陋字少孤武昌陽新人吳司空孟宗後也少而希古布衣蔬食棲遲蓬華之下絕人間之事親族慕其孝大將軍會稽王命辟之稱疾不至相府歷年虛位而澹然無悶卒不

降志時人奇之。

○補

王右軍既去官與東土人士營山水弋釣之娛

又與道士許邁共修服食徧采名藥不遠千里

遊東中諸郡名山泛滄海歎曰我卒當以樂死

道學傳曰許邁字叔玄清虛接真遐棲表志所在往而不返故改名遠遊與王右軍父子為世

外之交。

○

康僧淵在豫章去郭數十里立精舍旁連嶺帶

長川芳林列於軒庭清流激於堂宇乃閒居研

講希心理味庾公諸人多往看之觀其運用吐

納風流轉佳加已處之怡然亦有以自得聲名

乃興後不堪遂出僧淵氏族所出未詳疑是胡人尚書令沈約撰晉書亦稱

其有義學。

○

戴安道既厲操東山續晉陽秋曰遠不樂當世以琴書自娛隱會稽剡山

而其兄欲建式遏之功戴氏譜曰遠字安丘譙國

弟志業何其太殊戴曰下官不堪其憂家弟不

改其樂顯有祖碩父綏有名位遠以武勇謝太傅曰卿兄

范宣未嘗入公門韓康伯與同載遂誘俱入郡

范便於車後趨下續晉陽秋曰宜少尚隱遁家于豫章以清潔自立

許攄好遊山水而體便登陟時人云許非徒有

勝情實有濟勝之具

○補張薦隱居願志家有苦竹數十頃張於竹中為

屋常居其中王右軍聞而造之張逃避竹中不

與相見永嘉郡記曰樂成縣民張薦隱居願志不應辟命一郡號為高士

郗尚書中郎將恢長八尺美鬚髯風神魁梧烈

宗器之以為藩伯之望自與謝居士善常稱謝

慶緒識見雖不絕人可以累心處都盡檀道鸞續晉陽

王云此語故未易得

秋口謝敷字慶緒會稽人崇信釋氏初入大山中十餘年以長齋供養為業招引同事化納不倦以母老還南山若邪中內史郗愔表薦之徵博士不就初月犯少微星一名處士星占者以處士當之時戴逵居剡既美才藝而交遊貴盛先敷著名時人憂之俄而敷死會稽人士以嘲吳人云吳中高士便是求死不得

王子猷嘗暫寄人空宅住便令種竹或問暫住

何煩爾王嘯詠良久直指竹曰何可一日無此

君中興書曰徽之卓犖不羈欲為傲達放肆聲色頗過度時人欽其才穢其行也

○補郭元瑜少有拔俗之韻晉書曰郭瑀字元瑜燉

張天錫遣使備禮徵之元瑜指翮鴻示使人曰

此鳥安可籠哉天錫遺瑀書曰先生潛光九臯懷真獨遠心與至境冥符志與四時消息豈知蒼生倒懸四海待拯孔聖車不停軌墨子駕不俟且皆以黔首之禍不可不救先生懷濟世之才故遣使者虛左授綬

補陶徵士嘗言五六月北窻下臥遇涼風暫至自謂是羲皇上人

○補宗少文好山水愛遠遊西陟荆巫南登衡嶽因結宇衡山欲懷尚平向平高士傳作尚平之志有疾還江陵歎曰老疾俱至名山恐難徧覩唯當澄懷觀道臥以遊之凡所遊履皆圖之於室謂人曰撫

琴動操欲令衆山皆響宋書曰宗炳字少文南陽涅陽人祖承宣都太守父繇之湘鄉令母同郡師氏聰辯有學義教授諸子兩居喪過禮為鄉間所稱宋高祖辟主簿答曰棲丘飲谷二十餘年刺史殷仲堪桓玄屢辟並不就

○補孔淳之居會稽剡縣性好山水每有所遊必窮其幽峻或旬日忘歸宋書曰孔淳之字彥深魯郡人祖愔尚書祠部郎父粲秘書監徵不就淳之少高尚愛好墳籍與徵士戴顓王弘之及王敬弘等共為人外之遊元嘉初徵散騎郎不到嘗遊山遇沙門釋法崇因畱共止遂停三宿法崇歎曰緬想人外三十年矣今乃傾蓋於茲不覺老之將至淳之還反不告以姓會稽

舊志曰。法崇有律學。精於法華經。居剡之葛峴山。菜茨澗飲。孔淳之訪之。信宿不去。神思傾豁。

補

江湛舉王景玄為吏部郎。王與湛書曰。君平有言。生我名者殺我身。天爵猶滅名。安用吏部郎哉。其舉可陋。其事不經。非獨縉紳者不道。僕妾皆笑之。因與湛告絕。足不踰閫。十餘年。棲遲環堵之室。苔草沒階。皇甫謐高士傳曰。嚴遵字君平。蜀人。隱居不仕。賣卜於成都。市日得百錢。自給。卜訖。則閉肆下簾。以著書為事。有富人羅冲。為具車馬衣糧。君平曰。吾非不足也。子奈何以不足助有餘。冲曰。吾有萬金子。無儋石。乃云有餘。不亦謬乎。君平曰。不然。吾

宿于家。人定而役未息。晝夜汲汲。未嘗有足。今我以下為業。不下床而錢自至。猶餘數百。不知所用。此非我有餘而子不足耶。冲大慚。君平嘆曰。益我貨者損我神。生我名者殺我身。時人服之。

補

顧長孺有隱操。齊書曰。顧黯字長孺。吳郡人。有隱操。與顧景怡。南史曰。顧歡字景怡。一字玄平。吳興鹽官人。好黃老。通陰陽。為術數多驗。隱居不仕。於天台山開館。聚徒受業。者常百餘人。俱不就徵。景怡晚節。服食不與人通。每且出戶。山鳥集其掌取食。

補

魚復侯。南史曰。魚復侯子響。武帝第四子。初封巴東王。貶為魚復侯。為江州。厚餉遺宗敬微。宗辭曰。少有狂疾。尋山採藥。遠

來至此量腹而進松木度形而衣薜蘿淡然已

足豈容當此橫施南史曰測字敬微南陽涅人

居江陵欲遊名山齋老子莊子自隨子孫拜辭悲泣測長嘯不視遂往廬山

補 庾杲之清素自業食唯有菹菹蔞蔞生菹蔞菜

或戲之曰誰謂庾郎貧食鮭常有二十七種蕭

顯齊書曰杲之字景行新野人祖深之雍州刺史父粲司空參軍杲之少貞立韶令和潤善於

音吐學涉文義起家奉朝請太子右衛率

補 孔稚圭風韻清疎門庭之內草萊不剪中有蛙

鳴稚圭曰以此當兩部鼓吹南齊書曰孔稚圭字德璋會稽人少

補

涉學有美譽仕至太子詹事

王弘之性好釣魚上虞江有一處名三石頭弘

之常垂綸於此會稽志曰上虞江源出剡縣東流入江又北流至三江入海

或問漁師得魚賣否弘之答曰釣亦不得復

不賣日夕載魚入上虞郭經親故門各以一兩

頭置門內而去沈約宋書曰王弘之字方平瑯琊人宣訓衛尉鎮之弟少孤貧

為外祖何準所養從叔獻之及太原王恭甚貴重之後謝靈運顏延之並相欽重靈運與廬陵

王義真茂曰會境既豐山水江左嘉遁並多居之但季世慕榮幽棲者寡或復木為時求弗獲

從志若王弘之拂衣歸耕踰歷三紀孔淳之隱約窮岫自始迄今阮萬齡辭事就閒纂成先業

浙河之外。樓遲山澤如斯而已。既遠同義。唐亦激貪厲競。殿下愛素好古。常若布衣。每意昔聞。虛想巖穴。若遣一介。有以相存。真可謂千載盛美也。初為衛軍參軍。後屢徵太子庶子。散騎常侍。不就。卒。

補

陶貞白幼有異操。年十歲得葛洪神仙傳。晝夜

研尋。便有養生之志。謂人曰。仰青雲觀白日。不

為遠矣。神仙傳曰。洪弟子滕升常問洪曰。古之

百人。劉向所纂又七十一人。今錄集以傳真識。是上。

補

王沙彌。沙彌。王暕小字也。北史曰。暕字叔朗。北

有風則齊亡。周武帝母終後。遨遊鞏洛。悅其山

水。圖經曰。洛水出洛南縣冢嶺山。經鞏縣入於

居之。可樂。平川廣衍。東西數百里。嵩山少室。天

壇。王屋。岡巒靡迤。四顧可挹。伊洛溼潤。流出平

地。故其山川之勝。泉流之潔。雖共聞。閭之人。與

公侯共之。一畝之宮。上矚青山。下聽流水。奇花

修竹。布列左右。而其貴家巨室。圍亭觀之。盛實甲天下。

與范陽盧元明。北

曰。元明字幼章。范陽涿人。涉歷羣書。兼有文義

風采。間潤進退。可觀。中山王熙博識之士。見而

嘆曰。盧郎有如此風神。唯須誦離騷。飲美酒。鉅

自為佳士。太平中。副李諧使梁。南人稱之。

鹿魏季景。結侶同契。往天陵山。浩然有終焉之

志。北齊書曰。魏季景。收族叔也。父鸞。有容儀。為

大司

農卿。

三

○補 王無功有田十六頃在河渚間奴婢數人自課

種黍春秋釀酒養鳧鴈蒔藥草自供與仲長子

光服食養性欲見兄弟輒渡河還家遊北山東

臯著書自號東臯子

○補 朱稚椎隱居不仕披裘帶索浮沉人間宋祁唐書曰稚

稚益州成都人澹泊無為隱居不仕高士實益

州遺以衣服逼為鄉正劉昫唐書曰實軌字士

之子也武德三年為益州道行臺左僕射稚椎不言而退逃入山中

夏則裸形冬則樹皮自覆贈遺一無所受每織

芒屨置路傍見者皆言朱居士屨也易米置本

處桃椎至夕取之終不見人

○補 孔極侍郎朝迴遇雨避於一叟之廡下延入廳

事叟烏帽紗巾逢迎甚恭因備酒饌一一精好

孔公借油衣叟曰某寒不出熱不出風不出雨

不出未嘗置油衣也孔公不覺頓忘宦情

○補 王摩詰貯蕙蘭用黃磁斗養以綺石累年彌盛

劉昫唐書曰王維字摩詰太原祁人與弟縉俱

有俊才博學多藝閨門友悌兄弟奉佛居常蔬

食不茹葷血晚年長齋不衣文綵得宋之問藍

田別墅在輞口輞水周於舍下竹洲花塢與道

三云此為吟人
摩詰之祖

友裴迪。浮舟往來。彈琴賦詩。嘯詠終日。在京師。日飯十數名僧。以玄譚為樂。齋中無所有。唯茶。錦藥白。經案繩牀而已。退朝之後。焚香獨坐。以禪誦為事。妻亾。不再娶。三十年。孤居一室。屏絕塵累。

○補

顏真卿為湖州刺史。

唐書曰。真卿字清臣。琅琊臨沂人。五代祖之推。北齊

黃門侍郎。真卿少有詞藻。工書。開元中。進士。四命為監察御史。出為平原太守。祿山反。與從父兄杲卿討賊。代宗立。改尚書右丞。封魯郡公。以正直立朝。為楊炎盧杞所忌。遭論李希烈不屈。遇害。張志和來謁真卿。以其舟敝漏。請更之。志和曰。願為浮家泛宅。往來苕霅間。
輿地志曰。苕溪源自獨松嶺。合浮玉山山水。至吳興。入于太湖。霅溪者。以其合苕溪前溪。餘不溪。北溪。四水為一。

○補

溪故曰霅也。又云。四水激射。霅然有聲。謂之霅溪。

許謹選。放曠不拘小節。與親友結宴。花園中。未嘗張幄。設坐。只使僮僕聚落花鋪坐下。曰。吾自有花裯。

按開元天寶遺事。載此。是學士許慎選。而語林作謹選。未知何據。

○補

种明逸。至性嗜酒。嘗種秫。自釀。每日空山清寂。聊以養和。

王聖塗澠水燕談曰。种放字明逸。舉古性頗嗜酒。躬耕種秫。以自釀。所居有林泉之勝。景德中。召至闕。真宗欲大用。因辭還山。

○補

林逋。隱居孤山。嘗畜兩鶴。縱之。則飛入雲霄。盤旋久之。復入籠中。逋常泛小艇。西湖諸寺。有客

王云宋人諱慎。每以諱代何元朗。所見乃宋刻。本何既不為改。

訂誤又謂未知何家持為指出。記者之疑。

至連所居則一童子應門延客坐為開籠縱鶴

良久連必棹小船而歸蓋常以鶴飛為客至之

驗歸田錄曰林逋字君復居杭州西湖之孤山

真宗聞其名賜號和靖處士詔長使歲時勞

問逋工畫善為詩如草泥行郭

索山木叫釣軒頗為士夫所稱

蘇養直隱京口荃翁貴耳集曰蘇庠字養直父

遊震澤之詞為伯固從東坡遊東坡我夢扁舟

滿塘之句亦見賞于坡坡呼為吾家養直紹

興間與徐師川同召養直不起師川造朝時便

道過養直留飲甚歡二公平日對奕徐高於蘇

是日養直拈一子笑視師川曰今日還須讓老

夫下此一着師川有愧色宋史曰徐俯字師川

死事授通直郎張邦昌僭位遂致仕時王部侍

郎何昌言與弟昌辰避邦昌諱皆改名俯買婢

為昌奴客至即呼前驅使之高宗朝胡直孺注

藻送薦之初召為諫議大夫周輝清波雜志曰師

川紹興初由諫垣

遷翰苑贊機命

李卓吾批點世說新語補卷之十四

世說新語補卷之十四

二十四

改

三藤家藏書

